

बाळका बेई बाइबल प्रस्तुति

ईशु को जनम



लखबाळो: Edward Hughes

सम्झाबाळो: M. Maillot

अनुवाद करबाळो: Royson Norman D'Souza

रूप बदलबाळो: E. Frischbutter; Sarah S.

60 मंसुं 36 कहाणी

www.M1914.org

Bible for Children. PO Box 3. Winnipeg. MB R3C 2G1 Canada

अनुज्ञापत्र (लाइसेंस): थे यां कहाण्या की फोटू कॉपी और छपवा सको छे,
शरित याई छ क बैच्अ कोन्अ।

ढुंढाड़ी

Dhundhari

घणा दना पेली परमेसर एक
सरगदूत जिब्रायल नअ मरियम
नाऊ की एक कुँवारी यहूदी
छोरी खन्अ खन्दायो।



वो उन्अ खियो, "तु एक छोरा नअ
जणअली ज्यो ईशु का नाऊ सुं
जाण्यो जावअलो। वो परमेसर
की ओलाद खुवावअलो। वो
सदामेश राज करअलो।"



“यो कस्यान हो सकअ छ?” छोरी अचम्भा मं होर खेई। “म हालताणी कोई मोट्यार की लार कोन्अ रेई।” सरगदुत मरियम नअ खियो बाळक परमेसर की दिया सु होवअलो। कोई मनख उंको बाप कोन्अ होवअलो।



3

वो सरगदुत मरियम नअ खियो क उंका काका की छोरी एलिजाबेथ क बुढापा मं एक ओलाद होई छ। यो भी एक चमत्कार ई छे। मरियम बेगीई एलिजाबेथ सुं मली। वे दोनी परमेसर सु परातना करी।



4

मरियम की युसूफ नाऊ का एक मनख सुं सगाई होई। युसूफ या जाणर उदास छे क मरियम क बाळक होबाळो छे। वो बच्यार कररयो छे क कोई और ई बाळक को बाप छ।



5

एक दन सपना म्अ परमेसर को दूत आर यूसूफ नअ खियो, यो बाळक परमेसर की ओलाद छ। ईशु की हार सम्भाळ मं यूसूफ मरियम की सायता करअ छे।



6

यूसूफ परमेसर को खियो मानबाळो अर उमअ बस्वास रखाणबाळो छे। वो खुद का देश का कानून को भी पालण करअ छे।



7

नुवा कानून की बजे सुं वो अर मरियम वाका खुद का शहर बेथेलहम छोड़र चुंगी देबा गया।



8



मरियम क बाळक
जणबा की बगत आई।
पण यूसुफ न कढ्अ
भी एक कमरो कौन्अ
मल सक्यो। सबळी
धरमशाळा भरी
छी।

9



आखरी मं यूसुफ न्अ एक नोअरो मल्यो। जण्ढअ ईशु को
जनम होयो। माई उन्अ एक ठाण मं
सुवाण दी, एक अस्यान की ठार
जण्ढअ ज्यानबरा
न्अ चारो
खुवाव्अ
छ।

10



सांकड़अई, लळ्इया का गुवाळ खुद की लळ्इया
की रुखाळी कररया छ। एक सरगदूत
उण्ढअ प्रगट्यो अर वान्अ

एक
अचम्भा
को समचार
खियो।

11



"अण्ढअ दाऊद का नगर मं आज एक मुक्ति देबाळा को
जनम होयो छ जो परमेसर को मसी छ।

थे उं बाळक न ठाण मं सुतो
देख सको
छो।"

12



झटदाणी सिक घणा सारा सरगदूत दिखबा
लागगा अर वे सबळा परमेसर सु परातना
करता होया खे रया छ, ...

13



... "धरती प शांति बेई परमेसर की
महमा ऊंची छ, मनखा बेई चोखो
होबाळो छ।"


14

वे गुवाळ भाग्याई नोररा मं गिया। उं
बाळक नअ देख्या पाछअ ईशु का बारा
मं सरगदूत ज्यो खीया छा वानअ सबळी
बाता बताया।




15

चाळीस दन पाछअ यूसुफ अर
मरियम ईशु नअ यरूशलेम का एक
मन्दर मं लेर आया। उण्डअ
साइमन नाऊ को एक
मनख बाळक बेई
परमेसर सुं परातना
करयो, बूढा
हत्रा अर
परमेसर का
दूसरा सेवा
करबाळा
धन्यवाद
दिया।



16

दोनी जाणअ छा क ईशु परमेसर
की ओलाद छ, बचन की जियान
एक मुक्ति देबाळो। यूसुफ दो
जन्दावरा की बली दियो।
यो परमेसर को निम छो
क कोई
भी गरीब
क लुवो
बाळक
होवअ
तो वो
अस्यान
करअ।



17


थोड़ा दना पाछअ
एक खास तारो एक
बुद्धिमान मनख नअ
अगुणी का देश सु
यरूशलेम लेर
आयो।

"यहूदया को राजो ज्यो
पदा होयो छ? वो कदअ
छ?" वो खियो। "मैं उंकी
पुजा करबो चावा छा।"



18

राजो हेरोद ऊ बुद्धिमान
मनख का बारा मं सुण्यो।
वो वानअ खियो क जदया
भी वे बाळक नअ देखअ
तो मन्अ बतावअ। "म भी
उंकी पूजा करबो चाऊ
छुं।" हेरोद खियो। पण वो
झुठ बोलरयो छो। हेरोद
ईशु नअ मारबो
चावअ छो।



19

खास तारो बुद्धिमान मनख नअ
उं घर मं लियायो जण्डअ मरियम
अर यूसुफ खुद का बाळक की
लार रेवअ छा। गोड़ा टेकर
परातना करता होया यात्री ईशु
न सोनु, अनतर
अर महगा मोल
का दान दिया।



20

परमेसर बुद्धिमान मनखा
नअ चतायो क छानअसिक
खुद क घरां पछा चल
जावो। हेरोद रोषा होगो।



21

वो ईशु नअ मारबा की ठणा
मेल्यो छो, वो खराब राजो
बेथलहेम का सबळा लुवा
बाळका नअ मरा दियो छो।



22



पण हेरोद परमेसर की
ओलाद को काई भी
कोनअ बगाड़ सक्यो!
सपना मं चैतावणी
मलताई, यूसुफ मरियम
अर ईशु की रुखाळी
बेई मिसर चलगयो।

23

जदया हेरोद मरग्यो
तो यूसुफ, मरियम
अर ईशु नअ मिसर
सुं पाछो लियायो।



वो गलिल झिल की तिर प, नासरत
नाऊ का एक छोटासाक शहर मं रेबा लागगो।

24

ईशु को जनम

बाइबल, परमेसर का बचना की कहाणी

मं पायो गियो

मत्ती 1-2, लुका 1-2

“ज्यो थांकी जन्दगी मं उजाळो देवअ छ।”

भजन 119:130

परमेसर जाणअ छ क आंपा अस्यान को गुनो करया
छा जिन्अ वो पाप खेवअ छ। अर पापा की सजा मौत छ।

परमेसर आंपा सुं अतरो परेम करअ छ क वो खुद का छोरा ईशु नअ
आंपणा पापां की सजा बेई सुळी प चढ़र खुद का पराणा की बलि
देबा खन्दायो। ईशु मरर फेरू जीवतो होयो अर पाछो सरग मं
चलगयो। अब परमेसर आपणा पापां नअ छमा कर सकअ छ।

ज्यो थे थांका गुना सुं अर पापां सुं बचबो चावो छो तो उंसुं अरदास
करो; प्यारा परमेसर मन्अ बस्वास छ क ईशु म्हार बेई खुद की
जन्दगी की बलि दियो छ अर अब फेरू जीवतो होयो छ। हे परमेसर
तु म्हारी जन्दगी मं आ अर म्हारा पापां नअ छमा कर दअ। जिसुं म
एक नुई जन्दगी जी सकूं। अर सदा हमेश थारी लार रै सकूं। हे
परमेसर म्हारी सायता कर क म थारी ओलाद की न्याऊ
जी सकूं। आमीन। यूहन्ना 3:16

बाइबल पढ़ा अर रोजीना परमेसर सुं बातां करां।